

DIE XVIII. SEPTEMBRIS.

SS. CORNELII AC CYPRIANI PONT. ET MARTYRUM.

DUPLEX.

Oratio.

INFIRMITATEM nostram, quæsumus Dómine, propítius
 réspice : et mala ómnia, quæ juste merémur ꝫ sanctó-
 rum Mártyrum tuórum atque Pontíficum Cornélii et
 Cypriáni intercessióne avérte : Per.

DIE XIX. SEPTEMBRIS.

SS. JANUARIi EPISC. ET SOCIORUM MARTYRUM.

DUPLEX.

Oratio.

DEUS, qui nos ánnua sanctórum Mártyrum tuórum Ja-
 nuárii et Sociórum ejus solemnitate lætíficas : con-
 cède propítius ut quorum gaudémus méritis ꝫ accendámur
 extrémis : Per.

DIE XX. SEPTEMBRIS.

B. FRANCISCI DE POSSADAS CONF. ORD. PRÆD.

DUPLEX.

Oratio.

DEUS, qui beátum Francíscum Confessórem tuum, su-
 pérnæ caritátis dulcédine perfúsum, verbi tui præcón-
 nem exímium effecísti : ejus intercessióne concède ut igne
 tui amóris incénsi ꝫ in tua dilectióne semper vivámus : Per.

DIE XXI. SEPTEMBRIS.

S. MATTHÆI APOSTOLI ET
EVANGELISTÆ.

TOTUM DUPLEX.

Omnia de Communi unius Evangelistæ præter sequen-
 tes Orationes :

IN I. VESPERIS.

Oratio.

DA, quæsumus omnípotens Deus : ut beáti Matthæi
 Apóstoli tui et Evangelistæ, quam prævenimus, ve-
 neránda solémnitas ꝫ et devotióne nobis áugeat et salú-
 tem : Per.